

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23) i člana 143. stav (4) Zakona o visokom obrazovanju („Službene novine Zeničko-dobojskog kantona”, broj: 12/22), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 31. sjednici, održanoj dana 10.08.2023. godine, d o n o s i

ZAKLJUČAK

o davanju saglasnosti na visinu naknada spoljnim saradnicima (nastavnici/saradnici) u realizaciji naučno-nastavnog procesa prvog i drugog ciklusa studija na Univerzitetu u Zenici u akademskoj 2023/2024. godini

I.

Daje se saglasnost na Prijedlog odluke Upravnog odbora Univerziteta u Zenici, broj: 01-01-1-2370/23 od 26.06.2023. godine, na visinu naknade za izvođenje nastave (predavanja/vježbe), na visinu naknade za izvođenje laboratorijskih vježbi, na visinu naknade za mentorstvo, komentorstvo i članstvo u komisiji za ocjenu i odbranu magistarskog rada, kao i na visinu naknade za putne troškove i naknade za smještaj (noćenje) spoljnim saradnicima na Univerzitetu u Zenici u akademskoj 2023/2024. godini, a koji čini sastavni dio ovog zaključka.

II.

Visina naknade za izvođenje predavanja i vježbi u neto iznosu obračunava se po satu, pri čemu maksimalni broj sati predavanja, odnosno vježbi mora biti usklađen s nastavnim planom fakulteta i Odlukom Senata Univerziteta u Zenici o usvajanju nastavničkih timova za akademsku 2023/2024. godinu. Visina naknade po satu iznosi:

- | | |
|----------------------|--|
| 1. Redovni profesor | 50,00 KM (slovima: pedeset konvertibilnih maraka) |
| 2. Vanredni profesor | 45,00 KM (slovima: četrdesetpet konvertibilnih maraka) |
| 3. Docent | 40,00 KM (slovima: četrdeset konvertibilnih maraka) |
| 4. Lektor | 30,00 KM (slovima: trideset konvertibilnih maraka) |
| 5. Viši asistent | 25,00 KM (slovima: dvadesetpet konvertibilnih maraka) |
| 6. Asistent | 20,00 KM (slovima: dvadeset konvertibilnih maraka) |

Ukoliko nastavu na vježbama izvodi nastavnik izabran u neko od naučno-nastavnih zvanja (redovni profesor, vanredni profesor ili docent), u tom slučaju se naknada istim obračunova i isplaćuje u visini cijene neto sata za višeg asistenta u iznosu od 25,00 KM (slovima: dvadesetpet konvertibilnih maraka).

III.

Visina naknade za izvođenje laboratorijskih vježbi u neto iznosu obračunava se po satu, pri čemu maksimalni broj sati laboratorijskih vježbi mora biti usklađen s nastavnim planom fakulteta i Odlukom Senata Univerziteta u Zenici o usvajanju nastavničkih timova za akademsku 2023/2024. godinu. Visina naknade po satu iznosi:

- | | |
|------------------|--|
| 1. Viši laborant | 15,00 KM (slovima: petnaest konvertibilnih maraka) |
| 2. Laborant | 10,00 KM (slovima: deset konvertibilnih maraka) |

IV.

Visina naknade u neto iznosu za mentorstvo, komentorstvo i članstvo u komisiji za ocjenu i odbranu magistarskog rada iznosi:

1. Mentor 600,00 KM (slovima: šeststotina konvertibilnih maraka)
(komisija bez komentora)
2. Mentor 350,00 KM (slovima: tristotinepedest konvertibilnih maraka)
3. Komentor 250,00 KM (slovima: dvijestotinepedeset konvertibilnih maraka)
(komisija s komentorom)
4. Predsjednik komisije 200,00 KM (slovima: dvijestotine konvertibilnih maraka)
5. Član komisije 100,00 KM (slovima: stotinu konvertibilnih maraka)
6. Sekretar komisije 50,00 KM (slovima: pedeset konvertibilnih maraka).

V.

Angažovanim spoljnim saradnicima koji imaju prebivalište izvan sjedišta Univerziteta u Zenici pripada naknada za putne troškove, a naknada za smještaj (noćenje) ukoliko se nastava izvodi u najmanje dva dana uzastopno (blok nastava).

VI.

Naknada za putne troškove za relacije u zemlji i inostranstvu priznaje se u visini od 0,30 KM po pređenom kilometru.

VII.

Naknada za smještaj (noćenje) u sjedištu Univerziteta u Zenici priznaje se u neto iznosu do 70,00 KM (slovima: sedamdeset konvertibilnih maraka) za jedno noćenje, uz priložen račun hotelskog smještaja kao dokaz noćenja.

VIII.

Ukupne naknade spoljnim saradnicima u realizaciji naučno-nastavnog procesa prvog i drugog ciklusa studija na Univerzitetu u Zenici u akademskoj 2023/2024. godini utvrdit će se pojedinačnim ugovorima o djelu između Univerziteta i spoljnog saradnika po osnovu elemenata navedenih u tačkama od II. do VII. ovog zaključka, a obračun i isplata vršit će se u skladu sa važećom zakonskom regulativom.

IX.

Za realizaciju ovog zaključka zadužuju se Univerzitet u Zenici, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

X.

Zaključak stupa na snagu danom donošenja.

PREMIJER

Amra Mehmedić

Broj: 02- /23

Datum, 10.08.2023. godine

Z e n i c a

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x Univerzitet u Zenici-Rektorat, Fakultetska 3, putem Ministarstva,

1x a/a.